



KOŠARKAŠKI SAVEZ
BOSNE I HERCEGOVINE



**PROPOZICIJE TAKMIČENJA
A2 LIGA - SJEVER KS BOSNE I HERCEGOVINE SEZONA
2023/2024.**

S A D R Ž A J

I.	OPŠTE ODREDBE
II.	TEHNIČKI NORMATIVI
III.	EKIPE, TRENERI ,SLUŽBENA LICA.....
IV.	DELEGAT, SUDIJE, POMOĆNE SUDIJE..... <ul style="list-style-type: none">• DELEGAT• SUDIJE• POMOĆNE SUDIJE
V.	IZVJEŠTAJ DELEGATA
VI.	DUŽNOSTI DOMACINA UTAKMICE .. <ul style="list-style-type: none">• NAJAVA UTAKMICE• SMJEŠTAJ GOSTUJUĆE EKIPE I SLUŽBENIH LICA• REDARSKA SLUŽBA, BEZBJEDNOSTUČESNIKA, GLEDAOCI• ZDRAVSTVENA ZAŠTITA, SREDSTVA JAVNOG INFORMISANJA• VIDEO – SNIMAK,STATISTIKA• DRŽAVNA OBILJEŽJA• POMOĆNI UREĐAJI
VII.	TOK UTAKMICE
VIII.	NAČIN BODOVANJA I POSTUPAK PO ŽALBI.....
IX.	KAZNENE ODREDBE .. <ul style="list-style-type: none">• ORGANIZACIJA UTAKMICE• NESPORTSKO PONAŠANJE GLEDALACA• NESPORTSKO PONAŠANJE IGRAČA, TRENERA I SLUŽBENIH LICA• NESAVJESNO OBAVLJANJE DUŽNOSTI SUDIJA, DELEGATA• KONTROLORA SUĐENJA I POMOĆNIH SUDIJA
X.	FINANSIJSKE ODREDBE.....
XI.	ZAVRŠNE ODREDBE.....

PRILOZI PROPOZICIJAMA

- SISTEM TAKMIČENJA

**PROPOZICIJE TAKMIČENJA
A 2 LIGA - SJEVER KS BOSNE I HERCEGOVINE SEZONA 2023/2024**

I. OPŠTE ODREDBE

Ovim propozicijama se propisuju jedinstvene odredbe o rukovođenju i realizaciji takmičenja u nadležnosti Košarkaškog Saveza Bosne i Hercegovine.

Član 1.

Utakmice Prvenstva A2 lige - sjever u sezoni 2023/2024. godine igraju se prema odredbama Pravila igre koja utvrđuje Međunarodna košarkaška federacija - FIBA (**važeće izmjene i dopune od 01.10.2022.godine.**), odredbama ovih Propozicija, kao i odredbama odgovarajućih propisa i normativnih akata Košarkaškog saveza Bosne i Hercegovine koja se odnose na takmičenja.

Član 2.

Organizaciju takmičenja, poštovanje odredbi Košarkaških pravila i ovih Propozicija, te ostalih pravilnika sprovodi Komesar takmičenja imenovan od strane Upravnog odbora saveza koji vodi takmičenje.

Komesar takmičenja putem saopštenja, biltena, izvještaja ili na drugi odgovarajući način obaveštava nadležni organ, učesnike u takmičenju i javnost o svome radu.

Sve utakmice Komesar takmičenja registruje u najkraćem mogućem roku, a najkasnije 5 (pet) dana od dana odigravanja utakmice.

U slučaju da je na utakmicu podnijeta žalba, rok za registraciju se odlaže do donošenja odluke po žalbi.

Za svoj rad Komesar takmičenja odgovara UO saveza koji vodi takmičenje.

Član 3.

A2 liga - sjever Bosne i Hercegovine za sezonu 2023/2024.godine organizuje se za:

- Muške seniorske ekipe

Na osnovu plasmana u okviru navedenog takmičenja dobiće se prvak A2 lige – sjever za Sezonu 2023/2024.

- Početak prvenstva je 28. 10. 2023 godine.
- Kotizacija za sezonu 2023/24 ostaje u istom iznosu kao i prethodne sezone – 1000,00 KM.
- Licenciranje igrača:

U takmičarskoj sezoni 2022/2023 pravo nastupa imaju igrači rođeni 2001- godine i mlađi, kao i 3 (tri) starija igrača od 2001. godine koji mogu biti u rosteru za utakmicu.

U A 2 ligi – sjever mogu nastupati samo domaći igrači (igrači koji imaju BiH pasoš).

Licenciranje igrača se može obaviti (dostaviti svu potrebnu dokumentaciju) 48 sati do početka takmičenja. Redovni prelazni rok je između 9. i 10. kola tj u pauzi između dva dijela i tajat će 10 dana. Igrači se mogu registrovati samo u navedenim prelaznim rokovima. Poslije toga se mogu registrovati samo igrači mlađi od 18 godina iz sopstvenog omladinskog pogona.

Klub višeg ili nižeg ranga takmičenja može na dvojnu licencu registrovati dva igrača 2002. godište i mlađi a neograničen broj igrača **2006. i mlađi**, uzimajući u obzir kvotu za ukupan broj registrovanih igrača u toku sezone.

Minimalan broj prijavljenih igrača na utakmici je 8 (osam), a maksimalan broj je 12 (dvanaest).

- Sistem takmičenja:

Liga se igra dvokužnim bod sistemom. Nakon regularnog dijela igra se FINAL FOUR za prvaka A2 lige – sjever. Pobjednik Final four takmičenja stiče pravo nastupa u A 1 ligi KS BiH u sezoni 2024/2025.

Plasman na F 4 ostvaruju ekipe koje su se plasirale od 1. do 4. mesta u regularnom dijelu. Ukoliko neka od ovih ekipa odustane od F 4, upražnjeno mjesto će popuniti ekipa koja je osvojila 5. mjesto itd.

Domaćin F 4 je prvoplasirana ekipa iz regularnog dijela. Ista ekipa će snositi troškove službenih lica.

Polufinale F 4:

- A Prvoplasirana ekipa – ekipa koja je zauzela 4. mjesto
- B Drugoplasirana ekipa – ekipa koja je zauzela 3. mjesto

FINALE F4:

Pobjednik A – Pobjednik B

Član 4.

Za početak takmičarske sezone A2 lige - sjever za Sezonu 2023/2024.godine objavljaju se prilozi propozicija koji sadrže:

- Sistem takmičenja,
- Spisak članova liga,
- Raspored takmičenja,
- Kalendar takmičenja,
- Lista sudija,
- Lista delegata,
- Protokol zaštitnih mjera u situaciji epidemije za organizaciju utakmica i ponašanje učesnika,
- Vrste i visina naknada službenim licima.

Član 5.

Utakmice A2 lige - sjever KS Bosne i Hercegovine u sezoni 2023/2024. godine, igraju se prema utvrđenom rasporedu i kalendaru takmičenja.

Utakmice A2 lige – sjever KS BiH u sezoni 2023/2024. godine, igraju se u vremenu koje odredi domaćin utakmice, s tim što utakmica ne može početi:

- subotom prije 14:00h niti poslije 20:00,
- nedjeljom prije 13:00h niti poslije 19:00.

Klubovi učesnici A2 lige - sjever dužni su najkasnije 4 dana prije početka takmičenja pismeno obavijestiti Komesara takmičenja o mjestu i dvorani odigravanja utakmice.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar takmičenja.

Raspored takmičenja nije moguće mijenjati.

Izuzetno, u međusobnom dogовору, ekipe mogu pomjeriti termin odigravanja utakmice 72 sata prije ili 72 sata poslije termina predviđenog Kalendarom takmičenja, o postignutoj saglasnosti klubovi su obavezni, u pismenoj formi, obavijestiti Komesara takmičenja.

- Prilikom određivanja termina odigravanja utakmica domaćin treba imati u vidu sportski aspekt angažovanja ekipe.
- U slučaju potrebe konačnu odluku o vremenu odigravanja utakmice donosi Komesar takmičenja.

Klub koji je prijavio utakmicu u određenom roku, a kasnije iz objektivnih razloga (zauzetost dvorane) mijenja satnicu ili dvoranu, može to učiniti najkasnije 3 (tri) dana prije prвobitno zakazanog termina, s tim da snosi sve administrativne troškove učinjene ovakvom promjenom.

Objektivnost razloga promjene dvorane, termina i satnice utakmice procjenjuje Komesar takmičenja, koji konačno odlučuje i o eventualnim sporovima u vezi sa ovim.

Komesar takmičenja može, ukoliko procijeni da je neophodno, te ukoliko postoji pismena saglasnost ekipa, odobriti zamjenu domaćinstva, samo u prvom dijelu takmičenja, i ne više od dvije utakmice zamjene domaćinstva u nizu.

Komesar takmičenja može, ukoliko smatra da je to u interesu regularnosti takmičenja, odlučiti da se sve ili pojedine utakmice jednog kola igraju istog dana i da počnu u isto vrijeme.

Član 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- isključenje električne energije
- isključenje ili zastoj u javnom saobraćaju
- vremenske nepogode
- nedolazak sudija
- kvar na uređajima

početak utakmice može se prolongirati najduže 1 (jedan) sat.

Započeta a prekinuta utakmica zbog opravdanog razloga ili uslijed više sile nastavlja se tako da se u nastavku utakmice uzimaju u obzir vrijeme i rezultat u trenutku prekida utakmice.

Ukoliko utakmica ne može da se igra u zakazano vrijeme ili bude prekinuta zbog teškog kvara na nekom od uređaja (isključenje el. energije, lom tabli na koševima i sl.), koji ne može da se otkloni u roku od 1 (jednog) sata, odlukom prvog sudije, utakmica se mora odigrati u roku od 24 sata.

Ukoliko se utakmica ne može zbog opravdanih razloga održati u roku od 24 sata od predviđenog termina početka utakmice, utakmica će se odgoditi.

Odluku o novom terminu utakmice donosi Komesar takmičenja.

Troškove produženog boravka i/ili troškove dolaska na nastavak utakmice, kao i hotelske troškove gostujućeg kluba zbog nastavka odigravanja prekinute utakmice snosi klub domaćin.

Ukoliko se utakmica ne odigra zbog opravdanog nedolaska gostujuće ekipe, a odložena je zbog uzroka više sile – transporta, odigraće se u toku naredna 24 sata. Uzrok više sile može da bude samo isključenje ili zastoj u javnom saobraćaju, koji onemogućava da ekipa blagovremeno dođe u mjesto odigravanja utakmice. Odluku o odlaganju donosi prvi sudija.

Sve nastale troškove zbog ovog odlaganja snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- zvanično proglašena epidemija od nadležnih zdravstvenih ustanova BiH i njihove dodatne mjere za zaštitu, za koju će tumačenje dati Zdravstvena komisija KS BiH,
- izuzetno pogoršane atmosferske (vremenske) prilike (snijeg, poplave, požari, i sl.), koje uzrokuju prekide u saobraćaju.

Konačnu odluku o odlaganju utakmice ili kompletног kola donosi Komesar takmičenja.

II. TEHNIČKI NORMATIVI

Član 7.

Utakmice A2 lige - sjever Sezona 2023/2024. godine igraju se u dvoranama koje u svemu odgovaraju uslovima određenim propisima FIBA-e i ovih Propozicija:

Dvorane u kojima se odigravaju utakmice moraju zadovoljiti minimalne tehničke i sigurnosne uslove. Za sve što nije obuhvaćeno ovim Propozicijama, primjenjivaće se odredbe FIBA Službenih košarkaških pravila pod nazivom „Košarkaška oprema“.

Dvorana mora imati poseban službeni ulaz za igrače i ostala službena lica u kojima se mogu nalaziti samo službena lica klubova prijavljene na Obrascu br.2, te delegirana službena lica na utakmici.

- U dvorani se mora obezbijediti poseban prolaz za ekipe, sudije i službena lica, od svlačionica do terena za igru.
- Dvorana mora imati najmanje 300 sjedećih mjesta.
- Sva mjesta u dvorani moraju biti numerisana.
- U gledalištu svi prolazi/stepenice moraju biti slobodni kako bi eventualna intervencija redara i policije bila efikasnija.
- Teren za igru u dvorani mora biti osvijetljen s najmanje 1.000 luksa ravnomjerno po cijeloj površini igrališta, mjereno jedan metar iznad poda, a u slučaju TV prenosa osvjetljenje mora imati najmanje 1500 luksa.

Temperatura

Temperatura u dvorani za igru ne smije biti ispod 15° C i mora biti jednolična što je više moguće.

- Ako delegat ili jedan od klubova posumnja u podatak o temperaturi u dvorani, delegat je dužan da izmjeri temperaturu u prisustvu službenih predstavnika oba kluba i glavnog sudije. Za tu svrhu klub domaćin mora da ima pripremljen termometar.
- Ukoliko se utvrdi da je temperatura u dvorani niža od 15° C, utakmica se može odigrati samo uz saglasnost gostujuće ekipe.
- Ukoliko ne postoji saglasnost gostujuće ekipe organizatoru se ostavlja 24 sata da obezbjedi potrebnu temperaturu u dvorani. Ukoliko organizator (klub domaćin) ne može da obezbijedi potrebnu temperaturu ili drugu dvoranu registrovanu za utakmicu A1 lige, utakmica će se odigrati u roku od 3 dana.
- Odluku o mjestu odigravanja utakmice donosi Komesar takmičenja, a troškove službenih lica i gostujuće ekipe (prevoz, smještaj, ishrana) snosi organizator utakmice (klub domaćin)

Svlačionice

Dvorana mora imati najmanje po jednu svlačionicu za svaku ekipu i za sudije, te prostoriju za delegata, koje moraju biti zaključane i čuvane.

- Domaćin utakmice je odgovoran za predmete ostavljene u svlačionicama.
- Svlačionice za ekipe moraju imati klupe za najmanje 15 osoba.
- U svlačionicama za gostujuću ekipu, sudije i delegata domaćin mora obezbjediti osvježavajuća pića, kao i za zapisničkim stolom.

Internet

- Sve dvorane moraju da imaju kablovski i WI-FI pristup internetu.

Teren

Teren za igru mora biti dimenzija i označen na način koji je odobrila FIBA.

- Teren za igru mora biti drveni i da zadovoljava slijedeće uslove:
 - elastičnost,
 - ujednačenost,
 - mora biti lakiran,
 - ne smije biti klizav i mora imati akustičnu mekoću.
- Granične linije terena za igru moraju biti najmanje 2 m udaljene od gledališta, reklama ili bilo kakve prepreke.
- Prostori ograničenja i centralni krug moraju biti u kontrastnoj boji u odnosu na pod.
- Oko terena za igru mora biti vanjska granična linija širine 2 m, koja mora biti iste boje kao i prostor ograničenja.

Table

Sve table na konstrukciji moraju biti od vrste koje je odobrila FIBA kao i tehničke karakteristike i označavanje table moraju biti po pravilima FIBA.

- Table na konstrukciji moraju biti prozirne, u jednom komadu i od sigurnosnog stakla,
- Dimenzija table 180cm vodoravno i 105cm uspravno.
- Table moraju biti sa unutrašnje strane uokvirene LED sijalicama (trakama) koje svetle jarko crvenom bojom i koje se automatski pale po isteku vremena za svaku četvrtinu ili produžetak.
- Crvene LED sijalice moraju biti sinhronizovane sa glavnim satom na način da se upale, i ostanu da svijetle kada istekne svaka četvrtina ili produžetak.
- Crvene led lampe se ne smiju upaliti kada istekne period od 24 sekunde ili 14 sekundi.
- Na tablama mora biti instalirana horizontalna žuta LED traka, odmah ispod gornjih crvenih LED sijalica, koja označava istek napada .
- Donja ivica table mora biti 290 cm udaljeno od poda.
- Linije nacrtane na tabli moraju biti bijele boje.
- U dvorani moraju postojati najmanje dvije rezervne table, za slučaj loma, a na jednoj od njih mora biti pravilno montiran obruč.
- Klub mora imati potrebna tehnička sredstva i osposobljene osobe za zamjenu table u najkraćem mogućem vremenu.

Obruč

Obručevi moraju biti zglobni, od vrste koju odobrava FIBA, i učvršćeni tako da se snaga preko obruča ne prenosi direktno na ploču.

- Obručevi moraju biti narandžaste boje.
- Dvorana mora imati najmanje 2 rezervna obruča u slučaju loma.
- Klubovi moraju imati opremu za mjerjenje visine obruča.

Mrežica

Mrežice moraju biti bijele boje i proizvedene na način da na trenutak zadrže loptu koja prolazi kroz koš.

- Mrežice moraju biti dugačke najmanje 40, a najviše 45 cm.
- U dvorani moraju biti najmanje dvije rezervne mrežice.

Semafor

Dvorana mora imati najmanje jedan veliki semafor sa lako uočljivim satom sa padajućim brojevima i vrlo glasnim zvučnim signalom za kraj četvrtina ili produžetaka.

- Dvorana mora imati dva automatska uređaja za primjenu pravila napada od 24 sec.
 - Uređaj za mjerjenje 24 sec. mora biti nezavisan od glavnog sata za igru, a kada se uređaj oglaši glavni sat za igru se ne zaustavlja.
 - Uređaj za mjeranje 24 sec. mora da ima mogućnost automatskog resetovanja na 14 sec.

Klupe

Klupe za rezervne igrače gostujuće ekipe kao i zapisnički sto moraju biti zaštićeni od svakog kontakta od gledališta.

- Na istoj strani gdje se nalazi zapisnički sto mora se nalaziti i označen prostor za klupe ekipa.
- Na obje strane se nalazi po 16 (šesnaest) stolica za zamjenike i pratioce.
- Sa svake strane zapisničkog stola moraju se nalaziti dvije stolice za izmjenu igrača.

Lopta

Utakmice A1 lige, sezone 2023/2024. godine igraju se MOLTEN loptama koje po mogućnosti imaju zlatni žig FIBA i KS BiH.

- Domaćin susreta dužan je 30 min prije početka utakmice staviti na raspolaganje domaćoj i gostujućoj ekipi 4 ispravne lopte, a prvom sudiji uručiti loptu s kojom će se igrati utakmica.

Registracija dvorana

Za registraciju dvorana zadužen je Komesar takmičenja ili po njemu određena osoba.

- Dvorana neće biti registrovana ako nisu poštovani uslovi iz ovog člana.

Član 8.

Svi igrači jedne ekipe moraju imati iste dresove. Dresovi moraju da budu obilježeni prema odredbama Pravila igre.

- Na dresu kapitena ekipe mora da postoji vidljiva oznaka.
- Gostujuća ekipa dužna je poštivati boju dresova domaće ekipe, shodno Pravilima košarkaške igre (domaćin uvijek igra u svijetlim, a gost u tamnim dresovima).
- Ukoliko se ekipe dogovore moguća je zamjena boje dresova i klupa ekipa.
- Zabranjeno je korištenje bilo koje vrste opreme, odjeće ili dodatka osim po preporuci ljekara.
 - Ukoliko igrači po preporuci ljekara nose podmajice, biciklističke hlače, trake za ruku ili bilo koji dodatak službenom dresu, ti dodaci moraju biti iste boje kao i dres, te morajubiti iste vrste za sve igrače koji ih koriste. Na dodacima dresu ne smije se nalaziti reklama.
- Na dresovima mogu biti obilježeni slijedeći brojevi:
 - 0
 - 00
 - od 1 do 99

Član 9.

Razglasni uređaj je obavezan na utakmicama A2 lige – sjever KS BiH. Lice koje rukuje mikrofonom, odnosno razglasnim uređajem mora da bude smješteno za posebnim stolom pored zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za podsticanje publike na navijanje, komentarisanje suđenja, ometanje igre i slično.

Korištenje muzičkih instrumenata (trube, bubnjevi, vuvuzele i sl.) tokom utakmice dozvoljeno je samo iza graničnih linija terena nasuprot zapisničkom stolu i klupama ekipa.

Puštanje muzike putem razglosa dozvoljeno je samo kada je lopta mrtva i sat za igru zaustavljen.

III. EKIPE, TRENERI I SLUŽBENA LICA

Član 10.

Ljekarski pregled igrača obavezan je prije početka takmičenja, ukoliko nije izvršen ljekarski pregled igrač neće biti licenciran za nastupajuću sezonu.

Član 11.

Na klupi za rezervne igrače mogu sjediti samo lica koja su navedena u "Listi igrača i službenih lica", maksimalno 9 (devet) pratilaca ekipe.

Trener, pomoći trener i službeni predstavnik ekipe na utakmici moraju biti prikladno odjeveni.

Ljekar, fizioterapeut i kondicioni trener ekipe mogu biti u sportskoj opremi.

Trener, pomoći trener i službeni predstavnik trebaju biti prikladno i jednoobrazno odjeveni.

Član 12.

Službeni predstavnik domaćina, u ime kluba domaćina, odgovoran je delegatu utakmice za organizaciju utakmice.

Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik isključivo ostvaruje komunikaciju sa službenim licima delegiranim od strane Komesara takmičenja (delegat, sudije i pomoćne sudije) u predviđenom vremenu i na način propisan Službenim pravilima igre.

Službeni predstavnik ispred kluba je jedini ovlašten da službeno kontaktira Komesara takmičenja.

Član 13.

Osim službenih predstavnika kluba, svaki klub učesnik Prvenstva BiH sezone 2023/2024. godine odrediće jednu odgovornu osobu kluba za ovlašteno službeno kontaktiranje sa Komesarom takmičenja.

Član 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, takođe nije dozvoljeno davanje na uvid neslužbenim licima dokumenata vezanih za utakmicu.

IV. DELEGAT, SUDIJE I POMOĆNE SUDIJE

DELEGAT

Član 15.

Funkciju delegata na utakmicama A2 lige – sjever KS BiH sezone 2023/2024 obavljaju lica koja se nalaze na "Listi delegata" koja je usvojena, a na prijedlog Komesara takmičenja.

Nominaciju delegata na utakmicama A2 lige – sjever KS BiH sezone 2023/2024 obavlja Komesar takmičenja.

- Delegati su dužni o eventualnoj spriječenosti obavijestiti Komesara takmičenja prije nego se izvrši nominacija.
- Delegati su dužni potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.
- Delegat je dužan da u mjesto odigravanja utakmice stigne najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvoranu 1 (jedan) sat prije zakazanog početka odigravanja utakmice.
- Delegati su posebno odgovorni za utvrđivanje prekršaja kodeksa po bilo kom osnovu, kao i za podnošenje izvještaja o istom i provođenje Protokola zaštitnih mjera u situaciji epidemije za organizaciju utakmica i ponašanje učesnika.
- Klubovi ne mogu tražiti izuzeće delegata sa utvrđene liste.
- Delegat na utakmicama A2 lige – sjever KS BiH sezone 2023/2024 mora biti propisno odjeven u odijelu i sa kravatom.

Član 16.

Delegat kontroliše službene licence (kartone) igrača, službenog predstavnika kluba, trenera, pomoćnika, pratileca ekipe, te pomoćnih sudija.

Delegat je dužan pratiti dešavanja u :

- gledalištu,
- oko zapisničkog stola,
- timskih klupa

i da u slučaju ako je to potrebno izvještava sudije kako bi oni mogli pravovremeno preuzeti odgovarajuće mjere.

Delegat nadgleda i odgovoran je za rad pomoćnih sudija, te u prisustvu službenog predstavnika kluba domaćina provjerava, da li je statistika postavljena na zvaničnu web stranicu lige.

Član 17.

Disciplinsku odgovornost delegata koji ne poštuje odredbe Pravila igre i svoju dužnost ne obavlja u skladu sa ovim Propozicijama konstatiše i rješava Komesar takmičenja.

Član 18.

Delegatima nije dozvoljeno da o navodima u izvještaju i događajima na odigranoj utakmici daju izjave u medijima.

SUDIJE

Član 19.

Utakmice A2 lige - sjever Sezona 2023/2024 sude sudije sa "Liste sudija" koja je utvrđena prije početka takmičenja.

- Klubovi ne mogu tražiti izuzeće sudija s utvrđene liste.
- Nominaciju sudija za utakmice A2 lige – sjever KS BiH sezone 2023/2024 obavlja Komesar takmičenja.
- Sudije su dužne o eventualnoj spriječenosti obavijestiti Komesara takmičenja prije nego se izvrši nominacija.
- Sudije su dužne potvrdu nominacije izvršiti odmah, a najkasnije 24 sati po prijemu iste, u protivnom će se smatrati da je ista neopravdano otkazana.
- Ukoliko sudije (i delegat) putuju u istom pravcu na utakmicu, dozvoljeno je korištenje samo jednog automobila.
- Sudije su dužne da u mjesto odigravanja utakmice stignu najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvorani 1 (jedan) sat prije zakazanog početka odigravanja utakmice.
- Sudije su na utakmicu obavezni doći propisno odjeveni u odijelu sa kravatom.

- Sudije u toku jednog dana mogu da sude samo jednu utakmicu, izuzev ako je takmičenje turnirskog tipa, a po odobrenju Komesara takmičenja.

Član 20.

Sudije su potpuno samostalne u donošenju odluka, dužne su da striktno sprovode Pravila igre i da ne dozvole da se krše odredbe ovih Propozicija i isključivo su odgovorne za red na terenu i saradnju sa zapisničkim stolom.

Sudije su dužne da opišu sve sporne momente na utakmici, navedu razloge za dosuđene tehničke i isključujuće greške igračima i trenerima, kao i druge značajne odluke koje nisu vezane za sam tok utakmice (smjenjivanje pomoćnog sudije, djelimično ili potpuno pražnjenje gledališta i sl.).

Odluku o zamjeni sudija ili novom terminu odigravanja utakmice donijet će Komesar takmičenja:

- Ukoliko sudija, odnosno sudije ne dođu na utakmicu, delegat određuje zamjenu među prisutnim sudijama sa Liste sudija, uz odobrenje Komesara takmičenja.
- Ukoliko ne postoji uslov za ispunjavanje prethodnog stava, Komesar takmičenja će odrediti da se utakmica odigra uz prisustvo dvojice sudija.
- Ukoliko ne postoji uslov za ispunjavanje prethodnog stava, Komesar takmičenja će odložiti utakmicu.

Na zahtjev Komesara takmičenja sudije su obavezne dostaviti dopunski izvještaj na propisanom obrascu i u propisanom roku.

Član 21.

Prvi sudija smatra se odgovornim u djelokrugu ovlaštenja propisanih Pravilima košarkaše igre i kao takav je isključivo odgovoran za preuzimanje mjera za sankcionisanje nesportskog navijanja i ponašanja gledalaca.

Shodno odredbama i ovlaštenjima po Pravilima igre, obavezan je da, u slučajevima nesportskog navijanja ili ponašanja gledalaca, prema svojoj procjeni, preuzme odgovarajuće mjere i to:

- Opomena gledalaca
- Pražnjenje dijela gledališta
- Pražnjenje dvorane
- Prekid utakmice

Sudije su dužne da utakmicu dovedu do kraja, ako postoji realna mogućnost, bez kršenja Pravila igre i Propozicija takmičenja.

- Ako je utakmica prekinuta zbog ulaska gledalaca u teren i izazivanja tuče, sudije su dužne da istu nastave, po pražnjenju dvorane (djelimičnom ili potpunom) ili najkasnije u roku od 24 sata pred praznom dvoranom.
- Glavni sudija u slučaju pražnjenja gledališta (potpunog ili djelimičnog) ostavlja klubu organizatoru ograničeno vrijeme za koje se njegova odluka mora sprovesti u djelo.

- Glavni sudija obavezno i definitivno prekida utakmicu ako je ostvaren fizički napad na sudiju ili delegata, ili ako gledaoci neposredno ili bačenim predmetima povrede službeno lice, igrača, trenera ili drugog člana ekipe.
- Ukoliko je odlukom glavnog sudije utakmica definitivno prekinuta, ekipa koja je odgovorna za prekid gubi utakmicu službenim rezultatom 20:0 i ne dobija bod u plasmanu.
- Ukoliko klub koji u slučaju prekida utakmice, nakon uspostavljanja odgovarajućih uslova za nastavak utakmice na osnovu odluke glavnog sudije odbije da nastavi istu kazniće se prebacivanjem u niži rang takmičenja.
- Ekipa koja je odgovorna za prekid gubi utakmicu službenim rezultatom 20:0 (bez borbe) i ne dobija bod u plasmanu.

Član 22.

Sudije ne mogu javno komentarisati događaje na odigranoj utakmici, te ne mogu o svojim izjavama navedenim u izvještaju davati izjave u medijima.

Sudije su dužne nakon utakmice izvršiti sve obaveze vezane za utakmicu, te po odobrenju delegata nakon utakmice sudije i pomoćne sudije mogu napustiti dvoranu.

Disciplinsku odgovornost sudija koji ne poštjuju odredbe Pravila košarkaške igre i svoju dužnost ne obavljaju u skladu s ovim Propozicijama, konstatuje i riješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede Pravila košarkaške igre kaznu izriče Komesar takmičenja, na osnovu stručnog mišljenja Sudijske Komisije (najavljeni žalba na utakmicu od strane kluba u vezi suđenja, te na osnovu traženja Komesara takmičenja u vezi davanja stručnog mišljenja o suđenju).

POMOĆNE SUDIJE

Član 23.

Delegiranje pomoćnih sudija za utakmice A2 lige – sjever KS BiH u sezoni 2023/2024 vrši nadležna sudska organizacija.

Pomoćne sudije su dužne da u dvorani za odigravanje utakmice budu najkasnije 40 (četrdeset) minuta prije početka utakmice i da se jave delegatu.

Pomoćne sudije su obavezne da budu jednoobrazno odjevene.

Član 24.

Pomoćne sudije koje ne poštjuju odredbe Pravila košarkaške igre i svoju dužnost ne obavljaju u skladu s ovim Propozicijama, a time utiču na regularnost utakmice mogu smjeniti same sudije ili na prijedlog delegata.

U tom slučaju napravit će se pauza radi smjenjivanja pomoćnog sudije, a delegat određuje zamjenu među prisutnim pomoćnim sudijama.

Član 25.

Ukoliko se, u mjestu odigravanja utakmice ustanovi da nema dovoljan broj ospozobljenih pomoćnih sudiјa ili se utvrdi da ne rade u skladu sa Pravilima igre i ovih Propozicija, za neke utakmice mogu da budu određene i pomoćne sudiјe van mjesta odigravanja utakmice. U tom slučaju delegiranje vrši Komesar takmičenja.

Troškove ovako određenih pomoćnih sudiјa snosi klub koji iste traži.

Član 26.

Disciplinsku odgovornost pomoćnih sudiјa koji ne poštivaju odredbe Pravila igre i svoju dužnost ne obavljaju u skladu s ovim Propozicijama, konstataje i rješava Komesar takmičenja.

V. IZVJEŠTAJ DELEGATA

Član 27.

Obaveza delegata je dolazak 1 (jedan) sat prije zakazanog početka odigravanja utakmice u dvoranu kako bi izvršio kontrolu svih tehničkih uređaja, obračun i naplatu naknada, kao i drugih troškova službenih lica, te utvrdi postojanost ostalih uslova za odigravanje utakmice.

Delegat u svom Izvještaju (Obrazac 4) unosi sva zapažanja o svim događajima koja su vezana za utakmicu, upisuje obračunatu i naplaćenu visinu naknada i troškova službenih lica za svako lice posebno, daje ocjenu o organizaciji utakmice, a obavezan je da ponudi svoje mišljenje o spornim situacijama i predmetu žalbe, ukoliko je najavljenja.

Izvještaj delegata dostavlja se u roku od 24 sata Komesaru takmičenja putem elektronske pošte.

Član 28.

Delegat utakmice je dužan po završetku iste telefonskim putem poslati Komesaru takmičenja izvještaj o rezultatu utakmice i važnijim detaljima vezanim za utakmicu.

Član 29.

Originalni Izvještaj delegata:

- Obrazac 4 – zapisnik
- Obrazac 1 - spisak igrača, trenera i službenih lica svih ekipa

Delegat je dužan da skenira Obrazac 4 i Obrazac 1 i pošalje na e-mail, kao i eventualne izjave prekršitelja ukoliko se dogode na utakmici.

Ukoliko ekipe imaju primjedbu ispunjava obrazac 5 i isti je dužan poslati elektronskom poštom, najkasnije 24 sata po odigranoj utakmici Komesaru takmičenja.

Član 30.

Dopunski izvještaj (Obrazac 6) dostavlja se na zahtjev Komesara takmičenja, najkasnije 24 sata po prijemu zahtjeva.

Član 31.

Sudija koji je donio odluku o isključenju igrača, trenera, pomoćnog trenera ili službenih lica klubova obavezan je delegatu saopštiti razloge isključenja, kao i odluku da li za istog podnosi prijavu ili ne.

Ukoliko delegat zahtijeva, sudija koji podnosi prijavu, dužan je opisati sve sporne trenutke u vezi disciplinskog prekršaja.

Prijava protiv izvršioca disciplinskog prekršaja podnosi se na posebnom obrascu (Obrazac 7).

Član 32.

Sudije, delegat i službeni predstavnici ekipa su obavezni da podnesu disciplinsku prijavu ukoliko se za vrijeme utakmice učini disciplinski prekršaj koji nije predviđen ovim Propozicijama već je predviđen Disciplinskim pravilnikom KS BiH.

Delegat je obavezan da uzme izjave od prekršioca i sudija i iste dostavi Komesaru takmičenja.

Član 33.

Od igrača, trenera i drugih službenih lica isključenih na utakmici, obavezno se uzima izjava.

Izjavu isključenih članova kluba obavezno dostavlja Službeni predstavnik kluba delegatu, odmah po završetku utakmice.

Izjavu obavezno potpisuje izvršilac prekršaja.

U slučaju da izvršilac prekršaja odbije dati izjavu ili potpisati zapisnik o saslušanju, delegat tu okolnost navodi u zapisniku o saslušanju.

VI. DUŽNOSTI DOMAĆINA UTAKMICE

Član 34. (NAJAVA UTAKMICE)

Klub domaćin je dužan da najkasnije 4 (četiri) dana (utorak do 12 sati) prije početka određenog termina pismeno obavijestiti Komesara takmičenja putem email- o vremenu odigravanja utakmice.

Domaćin utakmice pismeno obavještava nadležnu sudijsku organizaciju (koja određuje pomoćne sudije) o vremenu odigravanja utakmice.

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtjeva nadležna stanica JB/PU.

Član 35. (SMJEŠTAJ GOSTUJUĆE EKIPE I SLUŽBENIH LICA)

Klub domaćin je dužan da rezerviše smještaj za gostujuću ekipu i jedan termin za trening i to:

- dan prije odigravanja utakmice u dvorani i u vrijeme odigravanja utakmice,
- ili u vremenu od najviše 1 sat razlike u trajanju od 90 minuta,
- ili na dan odigravanja utakmice u trajanju od 60 minuta

ukoliko to oni zatraže a najkasnije 5(pet) dana prije odigravanja utakmice.

Klub domaćin je dužan da pomogne gostujućoj ekipi u svakoj prilici, odredi predstavnika kluba koji pomaže gostujućoj ekipi, daje obavještenja o utakmici ili treningu, terminu i slično, ukoliko to zatraži gostujuća ekipa.

Klub domaćin je dužan da rezerviše smještaj za službena lica (sudije i delegat), ukoliko je zahtjev za rezervaciju dostavljen najkasnije 3(tri) dana prije odigravanja utakmice.

Član 36. (REDARSKA SLUŽBA, BEZBJEDNOST UČESNIKA, GLEDAOCI)

Domaćin je dužan da na svakoj utakmici organizuje redarsku službu u dovoljnem broju, zavisno od veličine dvorane, broja gledalaca i sl., minimalno 4 (četiri) redara. Redari nose iste marker majice.

Dužnost domaćina je da organizuje brisanje poda za vrijeme utakmice i obezbjedi najmanje 2 (dva) lica sa odgovarajućim rekvizitima, za svaku polovinu terena po jedan.

Lice odgovorno za sprovođenje ovih odredbi je službeni predstavnik kluba.

Član 37.

Dužnost domaćina je da preduzme sve potrebne mjere koje osiguravaju normalni tok odvijanja utakmice te samim tim snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Ukoliko gostujuća ekipa organizuje dovođenje svojih navijača na utakmicu (organizovan prevoz, kupovina karata) tim aktom preuzima i odgovornost za sve što ti navijači učine u dvorani i izvan nje.

- Gostujuća ekipa je dužna da najmanje 3 (tri) dana prije utvrđenog termina za odigravanje utakmice obavijesti domaćina o dolasku svojih navijača (broj navijača, prevozno sredstvo i odgovorno lice).
- Za incidente koje učine gostujući navijači, odgovoran je gostujući klub.
- Organizovanim grupama navijača nije dozvoljeno da se nalaze iza zapisničkog stola i iza klupe gostujuće ekipe.
- Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (pištaljke, zvučna pojačala, vrijeđanje, psovke i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama i naginjanje preko ograde, pomjeranje konstrukcije i sl.).

Domaćin je odgovoran za bacanje petardi i drugih predmeta (u gledalištu i na terenu), bez obzira čiji to navijači čine, osim u situaciji kada gostujuća ekipa organizuje dovođenje svojih navijača na utakmicu.

Službena lica su dužna da u slučaju ispada gledalaca detaljno opišu događaj i odgovornost navijača.

U slučaju nereda na terenu ili u dvorani, domaćin mora preuzeti sve mjere i potpuno zaštiti sve članove obje ekipe, sudije i delegata utakmice.

- Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i delegatu odlazak iz grada.
- Domaćin je odgovoran za obezbjeđenje reda u gledalištu i na terenu i dužan je da poštuje naloge sudija date u tom trenutku.
- Pripadnici snaga javnog reda mogu da uđu na teren samo ako ih pozovu sudije, međutim ako je jasna namjera gledalaca da na terenu počine akt nasilja snage javnog reda odmah intervenišu.
- Svaki napad na ekipe, sudije ili službena lica, bit će sankcionisan u skladu sa odredbama Propozicija takmičenja.

Član 38.

Zabranjen je ulaz u dvoranu svim gledaocima koji žele ući s alkoholnim pićima, oružjem, predmetima koji mogu biti korišteni kao oružje (petarde, baklje i slični pirotehnički predmeti).

Zabranjen je ulaz u dvoranu gledaocima koji su pod uticajem alkohola, omamljujućih sredstava, stimulansa i sl.

Zabranjeno je unošenje i isticanje zastava, simbola, amblema ili tekstova koji direktno ili indirektno potiču nasilje. Obaveza kluba je da ih odmah ukloni.

Svi prekršaji će se sankcionisati u skladu sa ovim Propozicijama i Disciplinskim pravilnikom KS BiH.

ZDRAVSTVENA ZAŠTITA, SREDSTVA JAVNOG INFORMISANJA

Član 39.

(ZDRAVSTVENA ZAŠTITA, SREDSTVA JAVNOG INFORMISANJA)

Domaćin je dužan da osigura:

- zdravstvenu službu - dežurnog ljekara, koji raspolaže materijalom za ukazivanje prve pomoći.
- Dežurnog ljekara za vrijeme utakmice koji je obavezan da sjedi na klupi domaće ekipe.

Domaćin utakmice dužan je osigurati odgovarajući prostor za sredstva javnog informisanja, te omogućiti snimanje utakmice zainteresovanim TV kućama.

Član 40.

(VIDEO SNIMAK, STATISTIKA)

U takmičarskoj sezoni 2023/24 obavezno je snimanje svih utakmica A2 lige - sjever. Klubovi su dužni snimke utakmica postaviti na You tube kanalu A2 lige - sjever u roku od 48 sati od odigrane utakmice. Za neizvršavanje navedenih obaveza od strane kluba, predviđene su sankcije definisane u ovim Propozicijama.

Član 41.

(DRŽAVNA OBILJEŽJA)

Domaćin je dužan da na svakoj utakmici, na vidnom mjestu postaviti državnu zastavu Bosne i Hercegovine.

Uz državnu zastavu može biti istaknuta i zastava entiteta, kantona, grada ili kluba s tim da iste ne mogubiti veće od zastave Bosne i Hercegovine.

Izgled, oblik i veličina zastave mora biti u skladu sa Zakonom utvrđenim normama.

Član 42.

(POMOĆNI UREĐAJI)

Domaćin je dužan u dvorani osigurati elektronsku i drugu opremu - pomoćne uređaje i to:

- Zapisnik-obrazac propisan pravilima igre i izdat od strane KS BiH,
- pomoćni elektronski semafor za mjerjenje vremena i rezultata,
- štoperica za mjerjenje 24 sekunde i minute odmora,
- tablice za pokazivanje ličnih grešaka igrača, propisan pravilima igre,
- uređaj - pokazivač bonusa (4 lične greške),
- strelicu - pokazivač alternativnog posjeda lopte,
- rezervni uređaj za objavljivanje posljednjih 8 sec. napada (gong),
- svjetlomjer za mjerjenje dvorane,
- termometar za mjerjenje temperature u dvorani,
- opremu za mjerjenje visine obruča.

VII. TOK UTAKMICE

Član 43.

Početkom utakmice smatra se onaj moment kada su sudije ušle u dvoranu i kada je semafor pušten u rad, tj. 20 (dvadeset) minuta prije početka utakmice.

Dvadeset minuta prije početka utakmice prvi sudija provjerava da li je domaćin ispunio zahtjeve predviđene Propozicijama i Pravilima igre, da li se na terenu nalaze pomoćne sudije i da li su svi uređaji u ispravnom stanju.

Ukoliko sudije ustanove neispravnost na uređajima isti će:

- ostaviti domaćinu najviše 30 (trideset) minuta da dovede uređaje u ispravno stanje,
- Ukoliko se kvar ne otkloni u ostavljenom roku od 30 (trideset) minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaze za 24 sata.

Utakmica se može odigrati i uz pomoćne uređaje, ukoliko su klubovi saglasni.

Odluku o odgađanju utakmice za 24 sata donose sudije i delegat utakmice.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje propisane ovim propozicijama i pravilima igre.

Član 44.

30 minuta prije početka utakmice mjerilac vremena, po odobrenju delegata utakmice uključuje sat za mjerenje vremena.

- 6 (šest) minuta prije početka utakmice prvi sudija pištaljkom poziva igrače koji se zagrijavaju da izađu van terena za igru, iza bočne linije.
- Spiker predstavlja gledalištu kapitena, zatim ostale igrače prema rednim brojevima na dresovima.
- Predstavljaju se prvo igrači i trener gostujuće, a zatim domaće ekipe.
- Igrači se postavljaju iza linije slobodnog bacanja, prilikom predstavljanja svi prijavljeni igrači moraju biti jednoobrazno odjeveni (svi u trenerkama, svi bez trenerki i sl.).
- Nakon predstavljanja ekipa, spiker predstavlja službena lica i ostavlja se ekipama još 3 minuta za zagrijavanje dok se igrači i treneri međusobno pozdravljaju i odlaze prema svojim klupama.
- 1:30 prije početka utakmice glavni sudija daje znak da je završeno zagrijavanje.
- Nakon završetka utakmice svi igrači izlaze na igralište, međusobno se rukuju i odlaze prema svojim klupama.

Ekipe ne mogu iznositi nikakve razloge za neodigravanje utakmice ili odgađanje početka utakmice kada sudije odluče da počnu utakmicu. Odbijanje odluke sudija da utakmica počne, smatra se nedolaskom na utakmicu.

VIII. NAČIN BODOVANJA I POSTUPAK PO ŽALBI

Član 45.

Način bodovanja i određivanje plasmana ekipa obavlja se na osnovu FIBA Pravila košarkaške igre.

Ukoliko ekipa iz bilo kojih razloga napusti takmičenje u narednoj takmičarskoj sezoni biće suspendovana, bez mogućnosti nastupa u A2 ligi u prvoj narednoj takmičarskoj sezoni.

Član 46.

Žalba na utakmicu najavljuje se odmah po završetku iste.

Prije nego što sudije potpišu zapisnik, kapiten ekipa obavještava prvog sudiju da njegova ekipa ulaže žalbu i potpisuje se u zapisnik na za to određeno mjesto.

Uz žalbu, prvog radnog dana, se uplaćuje taksa u iznosu od 1.000 bodova, na račun saveza do 12 h.

Za utvrđivanje tačnog datuma i vremena uplate priznaje se jedino pečat banke na uplatnici ili virmanu, kao i plaćanje elektronskim putem.

Najavljeni žalbi se u pisanom obliku podnosi delegatu, u posebnom izvještaju – Žalba (Obrazac. 8), najkasnije 20 (dvadeset) minuta po završetku utakmice, od strane službenog predstavnika kluba.

- Podnositelj žalbe obavezan je da u posebni izvještaj unese tačne i precizne navode zbog kojih se žali.
- Po prijemu žalbe sudije i delegat daju svoje mišljenje i pismene izjave o navodima iznesenim u žalbi.
- Delegat je dužan žalbu zajedno sa prikupljenim izjavama odmah dostaviti Komesaru takmičenja.

Detaljnija obrazloženja žalbe, žalioc može dostaviti Komesaru takmičenja u roku od 48 sati nakon odigrane utakmice, s tim da tu aktivnost najavi u žalbi.

Dopuna žalbe ne može se širiti vam osnovnog razloga koji je naveden u žalbi.

Žalba koja nije najavljena potpisom kapitena, koja nije na vrijeme uručena delegatu, te žalba uz koju nije uplaćena taksa u iznosu od 1.000 bodova, neće se uzimati u razmatranje.

Član 47.

Video snimci, filmovi, slike ili bilo koja oprema (vizuelna, elektronska, digitalna i dr.) ne koriste se da bi se odlučio ili promijenio rezultat utakmice

Član 48.

Komesar takmičenja uvidom u snimak utakmice može utvrditi i sankcionisati disciplinsku odgovornost učesnika utakmice, i ako učesnik nije evidentiran od strane službenih lica kao počinilac prekršaja, što može prouzrokovati i odgovornost službenih lica.

Član 49.

Komesar takmičenja žalbu usvoja ili odbija.

- Kada žalbu odbije, utakmica se registruje postignutim rezultatom.
- Kada žalbu usvoji, utakmica će se poništiti i odrediti odigravanje nove.

Član 50.

Ukoliko je načinjena povreda Pravila košarkaške igre, koja je bitno uticala na rezultat ili je utakmica bila neregularna zbog uslova za odigravanje utakmice koji su predviđeni pravilima košarkaške igre i propozicijama takmičenja, a što je uslovilo da postignuti rezultat nije posljedica sportskog nadmetanja:

- Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici:

- Komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu "prava nastupa na utakmici".
- Kažnjenja ekipa neće dobiti jedan bod u plasmanu.
- Podnosiocu žalbe uplaćena taksa se vraća.

U ovom slučaju, obaveza Komesara takmičenja je da podnese disciplinsku prijavu protiv odgovornih lica.

Dok traje žalbeni postupak, utakmica koja je predmet žalbe se ne registruje.

Ako je žalba zbog neregularnosti u procesu registracije igrača greška kancelarije Saveza, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

U ovom slučaju, troškove odigravanja nove utakmice snosi kancelarija Saveza, a obaveza Komesara takmičenja je da podnese disciplinsku prijavu protiv odgovornog lica.

Član 51.

Jednom registrovana utakmica ili donijeta odluka u vezi sa takmičenjem ne može biti poništena.

Član 52.

Odluku o žalbi Komesar takmičenja donosi najkasnije u roku od 3 (tri) dana po prijemu teksta žalbe.

Žalba na utakmicu poslednjeg kola, kao i utakmica Play-off-a rješava se u roku od 24 (dvadesetčetiri) sata od momenta odigravanja utakmice.

Komesar takmičenja svoju odluku saopštava elektronskom poštom (email-om).

Član 53.

Na odluku Komesara takmičenja dozvoljena je žalba u drugom stepenu koja se podnosi Takmičarskoj komisiji (ODBOR ZA ŽALBE), imenovanoj od strane LIGAŠA, i to u roku od 24 sata od prijema Odluke.

Uz žalbu se uplaćuje taksa u iznosu od 1.500 bodova, na račun saveza. Za utvrđivanje tačnog datuma i vremena uplate priznaje se jedino pečat banke na uplatnici ili virmanu.

Žalba koja nije dostavljena Takmičarskoj komisiji u roku od 24 sata po prijemu Odluke, te žalba uz koju nije uplaćena taksa u iznosu od 1.500 bodova, neće se uzimati u razmatranje.

Odluka u drugom stepenu donosi se u roku od 3 (tri) dana i konačna je.

ODBOR ZA ŽALBE svoju odluku saopštava elektronskom poštom (email-om).

Član 54.

Ukoliko žalba bude usvojena i rezultat utakmice poništen, podnosiocu žalbe uplaćena taksa se vraća, a prilikom odigravanja ponovljene utakmice troškove snosi ekipa koja je izgubila žalbeni spor.

IX. KAZNENE ODREDBE**Član 55.**

Za prekršaje ovih propozicija izriču se kazne po osnovu Člana 56.

Za teže prekršaje i prekršaje koji nisu predviđeni u Članu 56. ovih Propozicija primjenit će se odredbe Disciplinskog pravilnika KS BiH.

Član 56.

Utvrđeni su kriteriji novčanih i vremenskih kazni za slijedeće vrste prekršaja klubova, igrača, trenera, sudija, delegata, kontrolora suđenja, i drugih službenih lica i to:

A.	ORGANIZACIJA UTAKMICE	BODOVA
1.	Neblagovremena i neuredna prijava utakmice	100
2.	Nedostatak pomoćnih uređaja	300
3.	Neispravni tehnički uređaji	200
4.	Neosiguravanje rezervne aparature	200
5.	Slaba organizacija zapisničkog stola	200
6.	Nedostatak propisanih obrazaca	100
7.	Neosiguravanja svlačionica za ekipe i sudije	200
8.	Neosiguravanje prostorije za delegata	200
9.	Izostanak redarske službe i službe obezbjeđenja	500
10.	Nedovoljan broj redara i policajaca	500
11.	Nejednoobrazni, nepravilno obilježeni dresovi, slaba vidljivost brojeva	100
12.	Neosiguravanje adekvatnog prostora za rezervne igrače, pomoćne sudije i stolica za izmjene	200
13.	Neuručivanje službene dokumentacije delegatu 30 min. prije početka utakmice (licence igrača, trenera, službenih lica, itd.)	200
14.	Neplaćanje taksi i troškova službenim licima	200
15.	Neobezbjedivanje sredstva za pisanje (kompjuter)	200
16.	Nedostavljanje Izvještaja o rezultatu (Obr.3) i zbirne statistike	300
17.	Neosiguravanje faksa ili kompjutera za slanje izvještaja	300
18.	Neizlaženje u susret uredno podnijetom zahtjevu gostujuće ekipe za obezbjeđivanje smještaja i termina za trening	300
19.	Neosiguravanje lica i pribora za brisanje i sušenje terena	200
20.	Nedovoljan broj lopti za zagrijavanje (4)	200
21.	Nedovoljno zagrijana i osvijetljena dvorana	800
22.	Neobezbjedenje termometra ili svjetlomjera	200

23.	Neisticanje državne zastave BiH	500
24.	Neobezbjedjenje razglasa	200
25.	Nepredstavljanje igrača prije početka utakmice	200
26.	Neizlazak prijavljenih igrača na predstavljanje prije početka utakmice (po igraču)	100
27.	Nedozvoljena upotreba razglasa, puštanje muzike preko razglasa i ometanje igre preko razglasa dok je utakmica u toku	200
28.	Neprisustvo ljkara na utakmici	300
29.	Nesavjesno ili djelimično snimljena utakmica video kamerom	800
30.	Nedostavljanje snimka sa utakmice na zahtjev Komesara takmičenja (48 sati po odigravanju). Nerađenje utakmice live streaming na link.	500
31.	Nevođenje statistike kompjuterski prema zvaničnom programu	600
32.	Neuredno ili netačno vođenje statistike, nepostavljanje statistike na WEB SITE u opciji ON LINE	300
33.	Nedostavljanje statistike (delegatu, ekipama)	200
34.	Nastupanje neregistrovanog ili suspendovanog igrača za klub	1000
35.	Nastupanje sa manje od 8 (osam) igrača na utakmici	500
36.	Neadekvatna odjevenost trenera, pomoćnog trenera i službenog predstavnika ekipе	100
37.	Slaba organizacija utakmice (ostali nedostaci i propusti ekipa)	300
38.	Neopravdani izostanak ekipе sa utakmice	1500
39.	Odustajanje ekipе od takmičenja	1500
40.	Nepoštivanje Protokola zaštitnih mjera u situaciji epidemije za organizaciju utakmica i ponašanje učesnika	1500

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod A-Organizacija utakmice, smatraju se administrativnim (mandatnim) kaznama i na njih se ne mogu izjavljivati žalbe.

B.	NESPORTSKO PONAŠANJE GLEDALACA	BODOVA
1.	Ometanje rada službenih lica od strane neslužbenih osoba	300
2.	Nesportsko navijanje i ponašanje gledalaca	300
3.	Bacanje na teren mekih predmeta (papir i sl.)	100
4.	Bacanje na teren tvrdih predmeta (upaljači, novac i sl.)	300
5.	Bacanje na teren eksplozivnih naprava (petarde, baklje i sl.)	800
6.	Bacanje u gledalište eksplozivni naprava (petarde, baklje i sl.)	800
7.	Pušenje gledalaca u dvorani	100
8.	Vrijeđanje službenih osoba i gostujuće ekipе	200
9.	Vrijeđanje učesnika utakmice na vjerskoj i rasnoj osnovi	1000
10.	Narušavanje prostora za igru i ometanje normalnog toka igre	200

11.	Ponovljeni slučaj na istoj utakmici (tačke 1. do 10.), nakon izrečenog upozorenja, novčana kazna se udvostručuje	
12.	Ulazak gledalaca u teren prije, za vrijeme i poslije utakmice	1000
13.	Pokušaj fizičkog napada na službene osobe i gostujuću ekipu	1000
14.	Ostvaren fizički napad na službene osobe i gostujuću ekipu	2000
15.	Ako sporni događaj prouzrokuje privremeni prekid utakmice	1000
16.	Ostvaren fizički napad na službene osobe i gostujuću ekipu sa prekidom utakmice bez mogućnosti nastavka -zabранa igranja na svom terenu 3-5 utakmica i novčana kazna	3000
17.	Incidenti koji se dogode prije, u poluvremenu i poslije utakmice na terenu, službenim prostorijama, prostorijama dvorane ili u krugu dvorane a evidentirani su	1000

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod B - Nesportsko ponašanje gledaca, osim tačke 15.,16. i 17. smatraju se administrativnim (mandatnim) kaznama i na njih se ne mogu izjavljivati žalbe.

Kazne izrečene za prekršaje navedene pod B - Nesportsko ponašanje gledaca, tačke 15.,16. i 17. Ne smatraju se administrativnim (mandatnim) kaznama i na njih se mogu izjavljivati žalbe.

C.	NESPORTSKO PONAŠANJE IGRAČA, TRENERA I SLUŽBENIH OSOBA EKIPA	BODOVA
1.	Svaka dosuđena tehnička greška igrača	100
2.	Svaka dosuđena tehnička greška trenera	200
3.	Svaka dosuđena tehnička greška službenim osobama ekipe ("klupa ekipe")	200
4.	Ponovljeni slučaj na istoj utakmici (tačka 1. do 3.) -Novčana kazna se udvostručuje	
5.	Svaka dosuđena diskvalifikujuća greška igrača	400
6.	Svaka dosuđena diskvalifikujuća greška trenera	400
7.	Svaka dosuđena diskvalifikujuća greška službenim osobama ekipe	400
8.	Za podnijetu prijavu protiv igrača, trenera ili službene osobe -kazna neigranja ili neobavljanja dužnosti od 1-3 utakmice i novčana kazna	400
9.	Ako isključeni igrač, trener ili službena osoba suprotno Pravilima igre ostane u dvorani nakon isključenja	200
10.	Evidentirane međusobne prijetnje učesnika utakmice	500
11.	Pokušaj fizičkog napada između učesnika utakmice	500
12.	Ostvaren fizički napad između učesnika utakmice -kazna neigranja ili neobavljanja dužnosti od 1-3 utakmice i novčana kazna	1000
13.	Nesportsko kritikovanje odluka sudija	200
14.	Nedolazak službenog predstavnika u prostoriju za sastavljanje Izvještaja delegata	300

15.	Nesportsko ponašanje učesnika utakmice utvrđeno na osnovu pregledanog snimka utakmice sa youtube i ako učesnik nije evidentiran od strane službenih lica kao počinilac prekršaja - kazna neigranja ili neobavljanja dužnosti od 1-3 utakmice i novčana kazna	100-2000
16.	Neprisustvo službenog predstavnika domaćina na klupi za rezervne igrače tokom utakmice	300
17.	Svaka dosuđena tehnička greška igrača – FLOPPING	50

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod C - Nesportsko ponašanje igrača, trenera, službenih osoba ekipa, osim tačke 8. smatraju se administrativnim (mandatnim) kaznama i na njih se ne mogu izjavljivati žalbe.

D.	NESAVJESNO OBAVLJANJE DUŽNOSTI DELEGATA, SUDIJA, KONTROLORA SUĐENJA I POMOĆNIH SUDIJA	UTAKMICA nedelegiranja (u odr.tempu)
1.	Nesavjesno i neuredno obavljanje dužnosti, nesportsko ponašanje, neuredno i netačno provođenje odluka i odredbi Pravila igre i Propozicija takmičenja	1
2.	Nepropisno odijevanje sudija, delegata i kontrolora suđenja – košulja, sako, hlače (ne jeans hlače) i kravata -pomoćne sudije (jednoobrazno)	2 2
3.	Nepravovremen dolazak službenih lica u dvoranu, obavezno 1 (jedan) sat ranije -kašnjenje 5-15 min -kašnjenje 15-30 min -kašnjenje 30-60 min	1 2 3
4.	Neopravdan nedolazak službenih lica na utakmicu	Brisanje sa liste
5.	Neblagovremen otkaz utakmice (nakon delegiranja)	1
6.	Nepravovremen izlazak službenih lica na teren, obavezno 30 min. prije početka utakmice (delegat i pomoćne sudije), obavezno 20 min. prije početka utakmice (sudije i kontrolor)	1 2
7.	Konzumiranje alkohola službenih lica na dan utakmice -u ponovljenom slučaju	5 Brisanje sa liste
8.	Slabo suđenje na osnovu izvještaja kontrolora suđenja, pregleda snimke od strane Sudijske komisije	2
9.	Neobjektivno prikazivanje činjenica u izvještaju kao i prikrivanje pojedinih činjenica -u ponovljenom slučaju	2 Brisanje sa liste
10.	Nepravovremeno, neprecizno i neuredno dostavljanje izvještaja delegata sa	2

	utakmice (obavezno 24 sata po završetku utakmice) -u ponovljenom slučaju	Brisanje sa liste
11.	Javno komentarisanje za javnost svih momenata u vezi sa odigranom utakmicom -u ponovljenom slučaju	2 Brisanje sa liste
12.	Prijetnja igračima, trenerima i službenim licima ekipe	Brisanje sa liste
13.	Pokušaj fizičkog napada na igrače, trenere i službena lica ekipe	Brisanje sa liste
14.	Ostvaren fizički napad na igrače, trenere i službena lica ekipe	Brisanje sa liste i Disciplinska odg.
15.	Javno kritikovanje donešenih odluka, rada Komesara takmičenja, davanje izjava koje izlaze iz okvira sportskog ponašanja	Brisanje sa liste i Disciplinska odg.

U svim ponovljenim slučajevima u toku takmičenja kazne se udvostručuju i dvostruka kazna je maksimalna tokom prvenstva.

Sve kazne sudija, delegata, kontrolora suđenja i pomoćnih sudija objavljuju se u biltenima ili saopštenjima Komesara takmičenja.

Kazne izrečene za prekršaje navedene pod D – Nesavjesno obavljanje dužnosti delegata, sudija, kontrolora suđenja i pomoćnih sudija ne smatraju se administrativnim (mandatnim) kaznama, te se na njih mogu izjavljivati žalbe.

E.

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na sljedeću sezonu. Isto se odnosi i na ostala službena lica.

Lice koje je kažnjeno vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

F.

Kazne izražene u bodovima odnose se na klubove i ekipe muškog takmičenja.

Utvrđena protuvrijednost boda izražava se i uplaćuje u KM.

G.

Za sve nepredviđene slučajeve koji nisu obuhvaćeni članom 56. ovlašćuje se Komesar takmičenja na izricanje kazni u visini od 500 do 5.000 bodova.

H.

Ekipa koja iz neopravdanih razloga ne nastupi na utakmici, gubi utakmicu službenim rezultatom 20:0 (bez borbe) i ne dobija bod u plasmanu za tu utakmicu.

- ekipa koja izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni biće suspendovana, bez mogućnosti nastupa u A2 ligi KS BiH u prvoj narednoj takmičarskoj sezoni.

Ukoliko dođe do prekida utakmice, ekipa koja je izazvala prekid utakmice gubi utakmicu službenim rezultatom 20:0 (bez borbe) i ne dobija bod u plasmanu za tu utakmicu.

- Ekipa koja izgubi dvije utakmice službenim rezultatom 20:0 (bez borbe), isključuje se iz takmičenja koje je u toku i u narednoj takmičarskoj sezoni biće suspendovana, bez mogućnosti nastupa u A2 ligi u prvoj narednoj takmičarskoj sezoni.

Ako ekipa samovoljno napusti teren prije kraja utakmice, uključujući i utakmice KUP-a ili odbije da nastavi da igra nakon poziva sudija, isključit će se iz takmičenja koje je u toku i u narednoj takmičarskoj sezoni neće moći nastupati u A2 ligi KS BiH.

U slučaju da za ekipu nastupi igrac koji nema pravo nastupa (suspendovan, kažnen ili nije uredno registrovan) utakmica se registruje službenim rezultatom 20:0 (bez borbe) za protivnički tim, a tim koji je nastupio sa igračem koji nema pravo nastupa ne dobija 1 (jedan) bod u plasmanu.

- U ponovljenom slučaju ekipa se isključuje iz takmičenja, bez mogućnosti nastupa u A2 ligi BiH u prvoj narednoj takmičarskoj sezoni.

Ekipa koja napusti A2 ligu – sjever KS BiH u toku takmičarske sezone, nema pravo nastupa u A2 ligi BiH 3 (tri) naredne takmičarske sezone.

Ukoliko ekipa odustane od takmičenja ili joj bude izrečena mjera isključenja, a odigrala je manje od polovine predviđenog broja utakmica, njeni rezultati se brišu.

Član 57.

Ukoliko ekipa, trener, pomoćni trener i druga službena lica naprave prekršaj koji podliježe disciplinskoj kazni, delegat i sudije moraju predati pismene izvještaje najkasnije 12 sati od završetka utakmice.

Član 58.

Klub kojem je izrečena kazna zabrane igranja utakmice na svom terenu, dužan je prijaviti odigravanje utakmice u drugom mjestu koje je udaljeno najmanje 50 km i u kojem postoji registrovana dvorana za određeni rang takmičenja.

Član 59.

Izrečene kazne zabrane igranja izvršavaju se na utakmicama A2 lige – sjever KS Bosne i Hercegovine kao i utakmica KUP-a, Sezona 2023/2024.

Član 60.

O Disciplinskim prekršajima i prekršajima iz Člana 55. i 56. ovih Propozicija koji se odnose na klubove, igrače, trenere, službena lica ekipe, sudije, delegate, kontrolore suđenja i pomoćne sudije na utakmicama A2 lige – sjever KS Bosne i Hercegovine, Sezona 2023/2024, odluke u prvom stepenu donosi Komesar takmičenja.

Za odlučivanje po uloženim žalbama na odluke koje je izrekao Komesar takmičenja u drugom stepenu je nadležna Takmičarska komisija (ODBOR ZA ŽALBE). Na odluku Komesara takmičenja o novčanim ili vremenskim kaznama dozvoljena je žalba u roku od 24 sata od prijema odluke uz plaćeni iznos od 1.000 bodova.

Odbor za žalbe, žalbu usvaja ili odbija. Odluka se donosi u roku 3 (tri) dana i ista je konačna.

X. FINANSIJSKE ODREDBE

Član 61.

Ekipe učesnice A2 lige – sjever KS BiH sezone 2022/2023. godine, snose svoje troškove takmičenja.

Član 62.

- Ekipe učesnice A2 lige – sjever KS BiH Sezona 2023/2024.godine finansiraju administrativno-tehničke i ostale zajedničke troškove takmičenja.
- Ekipe učesnice su dužne osigurati dovoljno sredstava iz kojih se finansira takmičenje.
- Ekipe učesnice su dužne izvršiti uplatu troškova takmičenja, koji garantuju njihovo učešće, u roku koji je utvrđen.

Ukoliko se novčana potraživanja ne podmire u utvrđenom roku, smatra se da je klub odustao od takmičenja.

Član 63.

Putni troškovi sudija i delegata isplaćuju se na osnovu Odluke o naknadama putnih i drugih troškova za vrijeme trajanja službenog putovanja.

Obračun putnih troškova vrši delegat, na osnovu Daljinara, cijene pogonskog goriva navedenog u delegiranju, uvećan za iznos putarine (obavezno priložiti račun)

Ekipa domaćin susreta je obavezna izvršiti isplatu taksi i putnih troškova sudija i delegata.

- Službeni predstavnik domaće ekipe je dužan 1 (jedan) sat prije početka utakmice dati na uvid uplatnici delegatu iste.
- Klub domaćin dužan je putem e-mail-a u narednih 5 (pet) radnih dana službenim licima utakmice dostaviti Obrazac o uplaćenim porezima.
- Takse za pomoćne sude i statističare isplaćuje klub domaćin 1 (jedan) sat prije početka utakmice.

Ukoliko službena lica ne prijave klub zbog neizmirenja obaveza odmah po završetku utakmice, u izvještaju sa utakmice, komesar takmičenja neće imati nikakvih obaveza prema službenim licima.

Član 64.

Klubovi su obavezni finansijska potraživanja prema odluci Komesara takmičenja o novčanim kaznama uplatiti u roku od 7 dana od dana prijema računa (fakture), odnosno od pravosnažnosti odluke.

Ukoliko se finansijska potraživanja ne izmire u utvrđenom roku, klub je automatski suspendovan.

- Žalba na odluku ne odlaže njen izvršenje.

Suspendovani klub ne može nastupiti na narednim utakmicama sve dok ne izmiri svoje finansijske obaveze, a utakmice gubi službenim rezultatom 20:0 (bez borbe), prema Pravilima igre.

Klub koji ne izmiri svoje finansijske obaveze prema takmičenju, ili prema matičnom košarkaškom Savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni, dok ne izmiri svoje finansijske obaveze.

Član 65.

Svi iznosi navedeni u dijelu IX. KAZNENE ODREDBE ovih propozicija izraženi su u bodovima.

Utvrđena je vrijednost boda u iznosu 0,50 (pedeset pfeninga) KM.

XI. ZAVRŠNE ODREDBE

Član 66.

Slučajevi koji nisu predviđeni ovim Propozicijama riješava Takmičarska komisija i UO saveza koji vodi takmičenje.

Član 67.

Ove Propozicije objavljaju se na službenoj web stranici Regionalnog košarkaškog saveza Tuzla.

Propozicije takmičenja, kao i službeni Bilteni dostavljaju se klubovima učesnicima A2 lige - sjever, Sezona 2023/2024 i to elektronski putem e-maila.

Član 68.

Propozicije takmičenja stupaju na snagu danom usvajanja.

Tuzla, septembra 2023.godine.